



Broj: 04 -714 -2/19
Datum: 07.05.2019.godine

Upravni odbor Zavoda za zapošljavanje Brčko distrikta BiH, na osnovu člana 44. stav (1) tačka 5) Zakona o zapošljavanju i pravima za vrijeme nezaposlenosti Brčko distrikta BiH («Službeni glasnik Brčko distrikta BiH» broj: 33/04, 19/07 i 25/08), Pravilnika o mjerama za podsticaj zapošljavanja (u daljem tekstu: Pravilnik) broj : 04-1409/16 prečišćeni tekst, izvršavajući Memorandum o implementaciji Akcionog plana Bosne i Hercegovine za rješavanje problema Roma u oblasti zapošljavanja broj: 01-39-1150-12/18, godine i Aneks I Memorandum o razumijevanju implementaciji Akcionog plana Bosne i Hercegovine za rješavanje problema Roma u oblasti zapošljavanja za 2018. godinu broj: 01-39-1150-20/18 od 20.02.2019.godine, donio odluku broj 04-714/19 od 29.04.2019.godine, da se objavi

JAVNI POZIV
poslodavcima za zapošljavanje Roma sa evidencije lica koja aktivno traže zaposlenje Zavoda za zapošljavanje Brčko distrikta BiH

I – PREDMET POZIVA

Podsticaj za zapošljavanje nezaposlenih lica Roma, evidentiranih u Zavodu za zapošljavanje Brčko distrikta BiH (u daljem tekstu: Zavod) kao lica koja aktivno traže zaposlenje, sredstvima koja obezbjeđuje Ministarstvo za ljudska prava i izbjeglice BiH u iznosu od

164.569,00 KM

Zavod će gore navedeni iznos sredstava plasirati za sljedeće namjene, kako slijedi:

- sufinansiranje poslodavaca,
- sufinansiranje samozapošljavanja Roma.

II – DODJELA SREDSTAVA

Sredstva namijenjena za sufinansiranje zapošljavanja Roma kod poslodavaca i sufinansiranje samozapošljavanja Roma plasiraće se na sljedeći način:

- za sufinansiranje poslodavaca :
 - na period od 12 mjeseci u iznosu od 6.000,00 KM, za svakog zaposlenog Roma,
 - na period od 24 mjeseca u iznosu od 12.000,00 KM, za svakog zaposlenog Roma,
 - na period od 12 mjeseci u iznosu od 8.000,00 KM, za svakog zaposlenog Roma sa visokom stručnom spremom,
 - na period od 24 mjeseca u iznosu od 16.000,00 KM, za svakog zaposlenog Roma sa visokom stručnom spremom.
- za sufinansiranje samozapošljavanja Roma:
 - na period od 12 mjeseci u iznosu od 5.000,00 KM.

Poslodavcima koji imaju 1 (jedno) zaposleno lica na neodređeno vrijeme na dan objavljivanja javnog poziva, po ovom Javnom pozivu, može se odobriti sufinansiranje zapošljavanja maksimalno 1 lica iz reda Roma sa aktivne evidencije nezaposlenih, poslodavcima koji imaju od 2 (dva) do 10 (deset) zaposlenih lica na neodređeno vrijeme na dan objavljivanja javnog poziva, po ovom Javnom pozivu, može se odobriti sufinansiranje zapošljavanja maksimalno 2 lica iz reda Roma sa aktivne evidencije nezaposlenih. Poslodavcima koji imaju više do 10 (deset) zaposlenih lica na neodređeno vrijeme na dan objavljivanja javnog



poziva, po ovom Javnom pozivu, može se odobriti sufinansiranje zapošljavanja maksimalno 3 lica iz reda Roma sa aktivne evidencije nezaposlenih. Poslodavci koji su registrovali poslovnu djelatnost u 2019. godini mogu koristiti podsticajna sredstva po ovom programu za zapošljavanje 1 lica sa aktivne evidencije nezaposlenih.

Nakon potpisivanja ugovora, Zavod isplaćuje ugovoreni iznos korisniku sredstava mjesečno, u 12/24 jednake rate, po dostavljanju dokumentacije, ili u jednokratnom iznosu pod uslovom da je korisnik sredstava dostavio bankarsku garanciju koja glasi na ukupan iznos sredstava podsticaja, na period minimalno od 16 mjeseci, ukoliko je ugovor zaključen na 12 mjeseci, odnosno, 28 mjeseci, ukoliko je ugovor zaključen na 24 mjeseca (ugovorom će biti preciziran rok na koji garancija treba biti izdata).

III – PRAVO I USLOVI UČEŠĆA

Za sredstva iz javnog poziva mogu konkurisati poslodavci koji obavljaju registrovanu djelatnost u Brčko distriktu BiH i koji su/će zaposlili/ti lica, a koje/a je/su, izjašnjen/a kao Romi/Romkinje na evidenciji lica koja aktivno traže zaposlenje, odnosno, za samozapošljavanje Roma, lica sa aktivne evidencije Zavoda pod uslovima utvrđenim Javnim pozivom i Pravilnikom.

IV – ZAHTJEV ZA KORIŠTENJE SREDSTAVA

Uz zahtjev za korištenje sredstava po programu povećanja broja zaposlenih, novog zapošljavanja i samozapošljavanja, koji se podnosi Zavodu putem protokola, poslodavac prilaže popunjen i ovjeren obrazac programa zapošljavanja koji sadrži:

- izjavu da ispunjava sve uslove tražene javnim pozivom za dodjelu sredstava podsticaja,
- podatke o kriterijima na osnovu kojih će se izvršiti bodovanje programa poslodavaca,
- pregled lica sa aktivne evidencije Zavoda koja je poslodavac zaposlio / namjerava zaposliti po Javnom pozivu,
- izjavu koja je potpisana od strane poslodavca i nezaposlenog lica kojeg poslodavac namjerava zaposliti, u kojoj je to lice saglasno da, po isteku ugovorenog roka u kojem mu Zavod finansira bruto platu, neće podnositi zahtjev za ostvarivanje prava na novčanu naknadu za slučaj nezaposlenosti po osnovu staža osiguranja u periodu kada Zavod finansira bruto platu, saglasno članu 27. Zakona o zapošljavanju i pravima za vrijeme nezaposlenosti BD BiH (u daljem tekstu: Zakon)

Poslodavci koji ispunjavaju uslove za dodjelu sredstava podsticaja, saglasno članu 10. Pravilnika, dužni su, u roku od 10 dana od dana objave liste na oglasnoj tabli i Web stranici Zavoda dostaviti sljedeću dokumentaciju:

- a) kopiju rješenja o osnivanju pravnog lica ili preduzetnika,
- b) kopiju rješenja o registraciji poreskog obveznika u Poreskoj upravi (JIB),
- c) kopija obaveštenje o razvrstavanju poslovnog i drugog subjekta prema djelatnosti,
- d) kopiju ovjerenih specifikacija / rekapitulacija i MIP-ova, isplaćenih bruto plata za sve zaposlene radnike,
- e) dokaz da se ne vodi stečajni, odnosno likvidacioni postupak,
- f) drugu dokumentaciju za koju Zavod ocijeni da može biti od značaja prilikom rješavanja zahtjeva.

V – USLOVI ZA ODOBRENJE SREDSTAVA

Sredstva iz ovog javnog poziva, saglasno članu 12. Pravilnika, mogu se odobriti poslodavcu za finansiranje programa za povećanje broja zaposlenih i novog zapošljavanja, ukoliko ispunjava sljedeće uslove:

- a) da je registrovan, odnosno da je izvršena registracija djelatnosti u skladu sa zakonom,



- b) da izmiruje obaveze po osnovu direktnih poreza i doprinosa u skladu sa zakonom,
- c) da izmiruje obaveze po osnovu bruto plata,
- d) da se prema poslodavcu ne vodi stečajni, odnosno likvidacioni postupak,
- e) da zapošljava nezaposleno lice iz reda Roma sa aktivne evidencije Zavoda koje ima prebivalište u Distriktu, ne kraće od tri mjeseca prije objavljivanja javnog poziva,
- f) da ne zapošljava nezaposleno lice kome je radni odnos prestao kod istog poslodavca u posljednja 24 mjeseca, (poslodavac dostavlja kopiju radne knjižice za lice koje zapošljava),
- g) da broj zaposlenih na neodređeno vrijeme na dan objavljivanja javnog poziva nije manji od broja zaposlenih na neodređeno vrijeme na dan 31.12. prethodne godine,
- h) potpisanu i ovjerenu izjavu, od strane poslodavca koji aplicira o prijavi radnika na Fond penzijsko-invalidskog osiguranja Republike Srpske - PIO RS ili Federalni Zavod za penzijsko-mirovinsko osiguranje PIO/MIO, ili su radnici prijavljeni kod PIO RS i PIO/MIO Federacije BiH,
- i) da ispunjava i druge uslove utvrđene Zakonom, Pravilnikom Zavoda i ovim Javnim pozivom.

Izuzetno u odnosu na stav (1) tačka g) ovog člana, poslodavcu koji je imao smanjenje broja zaposlenih na neodređeno vrijeme, u navedenom periodu, mogu se dodijeliti sredstva za podsticaj zapošljavanja pod uslovom da je do smanjenja došlo:

- a) zbog smrti ili penzionisanja radnika,
- b) svojevoljnog prestanka radnog odnosa ali, pod uslovom, da umjesto tog radnika, do momenta zaključivanja Javnog poziva, poslodavac primi drugog radnika u radni odnos na neodređeno vrijeme.

Licu iz reda Roma koje podnese zahtjev za korištenje sredstava po programu samozapošljavanja ista se mogu odobriti ukoliko ispunjava uslove iz člana 12. stav (1) tačke a), d) i ž) Pravilnika, i to:

- a) da je registrovan, odnosno da je izvršena registracija djelatnosti u skladu sa zakonom,
- d) da se zapošljava nezaposleno lice sa evidencije Zavoda koje ima prebivalište u Distriktu ne kraće od tri mjeseca prije objavljivanja javnog poziva, osim korisnika novčane naknade, lica koje ostvaruje pravo na penzijsko-invalidsko osiguranje u trajanju do tri godine, ukoliko sa tim stažom osiguranja ispunjava uslove za starosnu penziju, invalidnog lica, lica koje je u tekućoj godini završilo školovanje i imalo prebivalište u Brčko distriktu BiH ili nezaposlenog lica bez roditeljskog staranja,
- ž) da ispunjava i druge uslove utvrđene javnim pozivom.

Nezaposleno lice koje koristi sredstva po programu samozapošljavanja mora biti evidentirano kao nezaposleno lice u evidenciji Zavoda, do dana pokretanja postupka registracije djelatnosti.

VI – ODBACIVANJE ZAHTJEVA

Saglasno članu 19. Pravilnika, Komisija neće vršiti obradu i ocjenu programa poslodavca za korištenje sredstava za sufinansiranje zapošljavanja/samozapošljavanja i predložiće odbacivanje istog ukoliko:

- ne ispunjava uslove iz Zakona, Pravilnika i Javnog poziva,
- ne dostavi potpun zahtjev,



- nadležni organ uprave u tekućoj godini utvrdi i Zavodu dostavi akt da je kod poslodavca utvrđen rad lica bez ugovora o radu, ili ga poslodavac nije prijavio na zdravstveno i penzijsko-invalidsko osiguranje,
- nadležni organ uprave u tekućoj godini utvrdi da lice obavlja samostalnu djelatnost koja nije registrovana u skladu sa zakonom.

Poslodavcu koji po prethodno odobrenom programu zapošljavanja ili samozapošljavanja nije uredno izvršio ugovorom preuzete obaveze, saglasno članu 20. stav (2) Pravilnika sredstva neće biti dodijeljena najmanje u trajanju od dvije kalendarske godine, počev od godine u kojoj je raskinut ugovor zbog neizvršenja ugovorom preuzetih obaveza.

Odredbe prethodnog stava neće se primjenjivati na one poslodavce sa kojima je raskinut ugovor, a u trenutku raskida ugovora prema njima nije bilo novčanih potraživanja.

VII – PRAVA I OBAVEZE

Međusobna prava, obaveze i odgovornosti između Zavoda i korisnika sredstava regulisaće se ugovorom u skladu sa Pravilnikom o mjerama za podsticaj zapošljavanja.

VIII – ROK ZA PODNOŠENJE ZAHTJEVA

Javni poziv počinje teći 07.05.2019. godine i isti će biti otvoren do plasmana sredstava iz Javnog poziva, a najkasnije do 31.12.2019. godine.

Zavod će kontinuirano rješavati podnesene zahtjeve poslodavaca po Javnom pozivu za zapošljavanje i samozapošljavanje, prema dinamici podnošenja istih. Prednost prilikom rangiranja imaće poslodavci koji ranije podnesu zahtjev, pod uslovom da i poslodavac i nezaposleno lice ispunjavaju tražene uslove.

Obrazac zahtjeva sa prilogima zainteresovani poslodavci mogu preuzeti na stranici Zavoda za zapošljavanje www.zzzbrcko.org ili u kancelariji broj 9., gdje se isti i predaje.

Sve potrebne informacije zainteresovani poslodavci mogu dobiti u Zavodu za zapošljavanje lično ili na telefon broj: 049/217-411; 049/233-661.

Neblagovremeno dostavljeni zahtjevi neće biti uzeti u razmatranje.

O rezultatima javnog poziva učesnici će biti obavješteni, isključivo, putem Web stranice i oglasne table Zavoda.



Predsjednik Upravnog odbora

/ Rasim Smajlović, dipl. pravnik /